



UNIVERSITÄTS-
BIBLIOTHEK
PADERBORN

**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XLV. De Reliquiis & Veneratione Sanctorum.

[urn:nbn:de:hbz:466:1-63462](https://nbn-resolving.org/urn:nbn:de:hbz:466:1-63462)

&c. item Sanctorum vestes, rosaria, aut alia Sanctorum usu vel attactu sacrata, pariter & instrumenta Martyrii, uti cruces, funes &c. quin & sepulchra. *Sancti* autem hic dicuntur non illi, qui solum cum opinione sanctitatis, aut etiam miraculorum, ex hac vita decesserunt, sed qui ab Ecclesia canonizati vel beatificati, seu in numerum *Sanctorum* vel *Beatorum* relati, & sic publicæ venerationi expositi sunt: Sancti ab omnibus, & omni cultûs Religiosi specie, ac ubique Beati autem cum restrictione ad certum cultum v. g. per imaginem in Ecclesia appensam, Breviarii recitationem, celebrationem Missæ, aut solum pro certo loco aut genere personarum &c. committuntur publicè. *Veneratio* denique est cultus conveniens Sanctis aut Beatis tanquam DEI amicis, & vocatur cultus *dulia* (& respectu B. Virg. MARIÆ cultus *hyperdulia*) ad distinctionem cultûs *latria*, qui soli Deo competit, uti Sacrificium &c. Qui cultus *dulia*, si exhibeatur nomine Ecclesiæ, tanquam ab ea institutus, vocatur *publicus*, sive in loco publico sive in occulto deferatur: *privatus* autem, qui ex privata tantum contentis devotione, v. g. per preces, jejunia &c. licet fortè aliis videntibus & publico in loco exhibeatur, Hic cultus privatus etiam exhiberi licet potest non-canonizatis, & non-beatificatis à Summo Pontifice, ad quem solum id pertinet: non item publicus. Unde.

- 2 Dico. Prohibitum est cultu publico venerandi aliquem, qui autoritate Romanæ Ecclesiæ inter Sanctos aut Beatos non est relatus. 2. Reliquias antiquas ostendere extra capsam, aut venales exponere.

ponere. 3. Noviter inventas publicæ venerationi exponere absque Summi Pontificis approbatione; licet sufficiat approbatio Episcopi in casu, quo inveniuntur Reliquiæ cum scriptura vel instrumento publico, aut aliunde constet certò, eas esse alicujus sancti antiquitus approbati. Habentur hæc c. 1. & 2. h. t. Trid. s. 25. in Decreto de Invocatione, Veneratione, Reliquiis Sanctorum, & sacris Imaginibus: quod utiliter inspicias, uti & meum *Cursum Theol. Polemicæ p. 2. controv. particul. 2. art. 2.*

TITULUS XLVI.

De Observatione Jejuniorum.

SUMMARIUM.

1. Jejunium & Abstinencia quid.
2. Quinam obligentur ad hanc, & ad illud.
3. Dispensatus ad esum carniū non tenetur abstinere ab altera refectioe in eodem die.
4. Quantum liceat comedere in Collatiuncula Vespertina.

Jejunium in genere est abstinencia à cibis, seu parsimonia victus in quantitate & qualitate. Est duplex; *Naturale*, quod consistit in abstinencia ab omni prorsus cibo & potu, per modum cibi aut potus sumpto, atque hoc præcipitur ante sumptionem Evcharistiæ. Et *Ecclesiasticum*, quod ab Ecclesia præscribitur secundum certam formam. Si Ecclesia præcipiat præcisè